

შ.პ.ს „ენერგომშენკონსტრუქცია XXI“

ერთეტაპიანი გამარტივებული ელექტრონული ტენდერი

სატენდერო დოკუმენტაცია

„სამშენებლო მასალები და დამხმარე სამშენებლო მასალები“-ს
შესყიდვა

(CPV-44100000)

დაფინანსების წყარო

შ.პ.ს „ენერგომშენკონსტრუქცია XXI“-ს 2016 წლის შემოსავლები

შესყიდვის სავარაუდო ღირებულება: 8878.10 (რვა ათას რვაას
სამოცდათვრამეტი ლარი და ათი თეთრი) ლარი, დღგ-ს ჩათვლით

ქ. თბილისი 2016

ინსტრუქცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად (ვებ-გვერდი www.procurement.gov.ge).

1. შესყიდვის ობიექტი

1.1. მასალები და დამხმარე სამშენებლო მასალები“. დანართი №1

2. შესყიდვის ობიექტის სავარაუდო ღირებულება

2.1. მომსახურების შესყიდვის სავარაუდო ღირებულება შეადგენს 8878.10 (რვა ათას რვაას სამოცდათვრამეტი ლარი და ათი თეთრი) ლარს, დღგ-ს ჩათვლით

3. შესყიდვის ობიექტის მიწოდების ადგილი და ვადები

3.1. „საქონლის“ მოწოდების ვადა: ხელშეკრულების გაფორმებიდან 3 (სამი) დღე.

3.2. „საქონლის“ მიწოდების ადგილია ქ. თბილისი, ქინძმარაულის ქუჩა №37.

4. შესყიდვის ობიექტის ხარისხი და გარანტია

4.1. შესყიდვის ობიექტი (დანართი №1-თ განსაზღვრული „სამშენებლო მასალები და დამხმარე სამშენებლო მასალები“) უნდა იყოს მაღალი ხარისხის, შეესაბამებოდეს საერთაშორისო სტანდარტებს და არ უნდა იყოს ექსპლუატაციაში ნამყოფი.

4.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის დაუყოვნებლივ შეცვლა.

5. ანგარიშსწორების პირობები

5.1. ანგარიშსწორება განხორციელდება ეროვნულ ვალუტაში.

5.2. ანგარიშსწორების ფორმა: უნაღდო, (ავანსი არგამოიყენება).

5.3. თანხის ანაზრაურობა განხორციელდება მიღება-ჩაბარების აქტის გაფორმებიდან 30 კალენდარული დღის განმავლობაში

6. პრეტენდენტის მიერ ერთიან ელექტრონულ სისტემაში ასატვირთი დოკუმენტები

6.1. პრეტენდენტის რეკვიზიტები დანართი №1-ის შესაბამისად.

6.2. ფასების ცხრილი დანართი №2-ის შესაბამისად.

6.3. ინფორმაცია შესყიდვის ობიექტის საგარანტიო პირობების შესახებ.

7. დამატებითი პირობები

7.1. ტენდერთან დაკავშირებული ყველა დოკუმენტი ან/და ინფორმაციის უცხოურ ენაზე წარმოდგენის შემთხვევაში უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.

7.2. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

7.3. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

7.4. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში.

7.5. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. (დღგ-ს ჩათვლით)

- 7.6. ხელშეკრულებით ნაკისრი ვალდებულებების შეუსრულებლობის შემთხვევაში შემსყიდველის მიერ გამოყენებული იქნება საჯარიმო სანქციები, რომლის გამოყენების წესი განსაზღვრულია ხელშეკრულების პირობებით.
- 7.7. თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა პრეტენდენტმა უნდა დაასაბუთოს ექსპერტიზის დასკვნით ან მსგავსი შესყიდვის ობიექტის მიწოდებასთან დაკავშირებით მის მიერ გაფორმებული ხელშეკრულებით, (ანგარიშგაქტურით.)

8. ინფორმაცია ტენდერში მონაწილეთათვის

- 8.1. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავჯდომარის 2011 წლის 07 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“, ან „ტ“ ქვეპუნქტებით გათვალისწინებული ეტაპის დადგომამდე.
- 8.2. ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაციის სატენდერო განცხადებასთან და სატენდერო დოკუმენტაციასთან შეუსაბამობა გამოიწვევს პრეტენდენტის დისკვალიფიკაციას.
- 8.3. პრეტენდენტს სატენდერო დოკუმენტაციის შესახებ დამატებითი ინფორმაციისა და განმარტებების მიღება შეუძლია სისტემის მოდულის „კითხვა-პასუხი“-ს მეშვეობით.
- 8.4. დამატებითი ინფორმაცია შეგიძლიათ მიიღოთ საკონტაქტო პირებისგან:
- შესყიდვის პროცედურების მიმდინარეობის შესახებ: ბესიკ ბუხრაშვილი. ტელ: 591949873; E-mail: besobukhra@gmail.com
 - ტექნიკური საკითხების შესახებ დამატებითი ინფორმაციის მისაღებად: ტერენტი ყიფშიძე. ტელ: 599 90 79 81

რეკვიზიტები

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული ან ფაქტიური მისამართი:
4. საიდენტიფიკაციო კოდი:
5. პრეტენდენტის ტელეფონის ნომერი:
6. ელექტრონული მისამართი:
7. მომსახურე ბანკი:
8. ბანკის კოდი:
9. ანგარიშსწორების ანგარიში:

.....
ხელმოწერა და ბეჭედი (არსებობის შემთხვევაში)

ფასების ცხრილი

№	დასახელება	სპეციფიკაცია (ზომები)	ზომის ერთეული			ერთ.ფასი			სულ ფასი
			კგ	მეტრი	მ²	კგ	მეტრი	მ²	
	შველერი	12		43			17,2		739,6
	კუთხოვანა	75*5		34,5			10,30		355,35
	კუთხოვანა	65*5		9			9,9		89,10
	კუთხოვანა	50*5		11			6,4		70,4
	კუთხოვანა	60*5		161			8		1288
	კუთხოვანა	40*4		210			4,30		903
	ლითონის ფურცელი	4 მმ			15,5			54	837
	ლითონის ფურცელი	5 მმ			0,3			67	20,1
	ლითონის ფურცელი	6 მმ			0,36			80	28,8
	ლითონის ფურცელი	10 მმ			4,2			136	571,2
	ლითონის ფურცელი	30 მმ			0,7			464	324,8
	ლითონის ზოლი	3*30 მმ		24			1,25		30
	ლითონის ზოლი	4*30 მმ		31			1,8		55,8
	ლითონის ზოლი	4*40 მმ		60			2,2		132
	ლითონის ზოლი	4*45 მმ		3,5			2,3		8,05
	ლითონის ზოლი	5*60 მმ		6			4		24
	ლითონის ზოლი	5*50 მმ		26			3,6		93,6
	მრგვალი რკინა	12 მმ		26			1,6		41,6
	მრგვალი რკინა	16 მმ		62			3		186
	მრგვალი რკინა	40 მმ	1064			2,30			2447,2
	მრგვალი რკინა	50 მმ	103			2,30			236
	მრგვალი რკინა	70 მმ	172			2,30			395,6
ჯამი									8878,10

თანხა ლარი (თანხა სიტყვიერად)

.....
ხელმოწერა და ბეჭედი (არსებობის შემთხვევაში)

ხელშეკრულება №
(მომსახურების შესყიდვის შესახებ CPV –44100000)

ქ. თბილისი

” _____ ” _____ 2016წელი

1. ხელშეკრულების დამდები მხარეები

ერთის მხრივ, შპს. “ენერგომშენკონსტრუქცია XXI” წარმოდგენილი მისი გენერალური დირექტორის ამირან ფანცულაიას სახით (შემდგომში “დამკვეთი”) და მეორეს მხრივ, _____, წარმოდგენილი _____ სახით (შემდგომში “შემსრულებელი”), ერთად კი წოდებულნი - “მხარეები”, ვხელმძღვანელობთ რა „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების და საქართველოს მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

2. ხელშეკრულების (შესყიდვის) ობიექტი, შესყიდვის საშუალება, შესყიდვის საშუალება, ხელშეკრულების ღირებულება

- 2.1. ხელშეკრულების (შესყიდვის) ობიექტია მასალები და დამხმარე სამშენებლო მასალები“-ს შესყიდვა, რომელიც მოცემულია სატენდერო დოკუმენტაციის 1.1 პუნქტში და წარმოადგენს ხელშეკრულების განუყოფელ ნაწილს.
- 2.2. შესყიდვის საშუალება - გამარტივებული ელექტრონული ტენდერი.
- 2.3. გამარტივებული ელექტრონული ტენდერის განცხადების ნომერი - -----
- 2.4. ხელშეკრულების საერთო ღირებულება შეადგენს ---- ლარს, ყველა გადასახადის ჩათვლით.
- 2.5. კლასიფიკატორის კოდი: CPV 44100000.

3. შესყიდვის ობიექტის მიწოდების პირობები

- 3.1. შესყიდვის ობიექტის მიწოდება განხორციელდება მიღება-ჩაბარების აქტის საფუძველზე 3 (სამი) სამუშაო დღის ვადაში
- 3.2. შესყიდვის ობიექტის მიწოდების ადგილი: ქ.თბილისი ქინძმარაულის ქ.№37
- 3.3. მიმწოდებელი ვალდებულია უზრუნველყოს საქონლის დანიშნულების ადგილამდე ტრანსპორტირება.

4. შესყიდვის ობიექტის ხარისხი და გარანტია

- 4.1. შესყიდვის ობიექტის ინსპექტირების შედეგად აღმოჩენილი ქარხნული წუნის ან შემსყიდველის არაბრალეულობით დაზიანების შემთხვევაში, მიმწოდებელმა უნდა გამოასწოროს დეფექტი ან მის მიერ მიწოდებული საქონელი შეცვალოს ახლით.

5. ანგარიშსწორება და ანგარიშსწორების ვალუტა

- 5.1. ანგარიშსწორება მოხდება უნაღდო ანგარიშსწორებით ლარში.
- 5.2. ანგარიშსწორება განხორციელდება ფაქტიურად მიწოდებული საქონლის შემდეგ, მიღება-ჩაბარების აქტის გაფორმებიდან 30 (ოცდაათი) დღის განმავლობაში.

5.3. წინასწარი ანგარიშსწორება (ავანსი) არ გამოიყენება.

6. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

- 6.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 6.2. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0,5%-ის ოდენობით. ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლოს ოდენობა შეადგენს ვალდებულების შეუსრულებელი ნაწილის 1%-ს, ყოველ გადაგადაცილებულ დღეზე.
- 6.3. ხელშეკრულებით ნაკისრი ვალდებულებების ორჯერ დარღვევის, შესყიდვის ობიექტის მიწოდების ვადის 15 კალენდარულ დღეზე მეტი ვადით გადაცილების ან/და ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.
- 6.4. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) ვადაში.
- 6.5. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.
- 6.6. ხელშეკრულების მოქმედების ვადა მიწოდების ვადის ამოწურვიდან 2 (ორი) თვე.

7. ხელშეკრულების შეწყვეტა

- 7.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.
- 7.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 7.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 7.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8. ფორსმაჟორი

- 8.1. ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

- 8.2. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 8.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

9. ხელშეკრულებაში ცვლილებების შეტანა

- 9.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 9.2. ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

10. უფლებების გადაცემა

- 10.1. მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.
- 10.2. მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.
- 10.3. უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

11. ღირებულება

- 11.1. მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.
- 11.2. მხარეთა შეთანხმებით დასაშვებია ხელშეკრულების ღირებულების შეცვლა.
- 11.3. ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

- 11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.
- 11.5. ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

12. სადაო საკითხების გადაწყვეტა

- 12.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.
- 12.2. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.
- 12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. სხვა პირობები

- 13.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.
- 13.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 13.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

მხარეთა რეკვიზიტები

„შემსყიდველი“

შპს „ენერგომშენკონსტრუქცია XXI“

ს/კ 236044473

მის: ქ.თბილისი, ქინძმარაულის ქ.37

მომსახურე ბანკი:სს საქართველოს ბანკი

ა/ა GE48BG000000849526100

დირექტორი: ამირან ფანცულაია